

VENDIM
Nr. 629, datë 26.10.2018

**PËR RISHPËRNDARJE FONDESH, NDËRMJET PROGRAMEVE BUXHETORE TË
BUXHETIT TË VITIT 2018, MIRATUAR PËR MINISTRINË E FINANCave DHE
EKONOMISË**

Në mbështetje të nenit 100 të Kushtetutës, të ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar dhe të nenit 18, të ligjit nr. 190/2017, “Për buxhetin e vitit 2018”, të ndryshuar, me propozimin e ministrit të Financave dhe Ekonomisë, Këshilli i Ministrave

VENDOSI:

1. Në buxhetin e miratuar për Ministrinë e Financave dhe Ekonomisë, planifikuar për vitin 2018, në zërin “Shpenzime kapitale të brendshme”, bëhet rishpërndarje fondi, si më poshtë vijon:

- Në programin 01110, “Planifikim, menaxhim dhe administrim”, pakësohet fondi prej 28 000 000 (njëzet e tetë milionë) lekësh;

- Në programin 04130, “Mbështetje për zhvillimin ekonomik”, pakësohet fondi prej 29 000 000 (njëzet e nëntë milionë) lekësh;

- Në programin 09240, “Arsimi i mesëm profesional”, shtohet fondi prej 57 000 000 (pesëdhjetë e shtatë milionë) lekësh.

2. Ngarkohet Ministria e Financave dhe Ekonomisë për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Edi Rama